

Jacobi Alvarez de Paz Opera

De Vita Spirituali, Eivsqve Perfectione - Libri quinque

Álvarez de Paz, Jacobo

Lvgdvni, 1611

Quòd magnum bonum sit hæc omnia mala sæculi effugisse per religiosam
vitam. Cap. xi.

[urn:nbn:de:hbz:466:1-77833](#)

Psal. 16.
11.Dan. 13.
9.Philip. 3.
19.
Chrysibi.1. Cor. 13.
32.Psal. 13.
3.Ber. fer. 1.
de aduen.
11.Dam. lib.
de Ba.c.
12.

qui ex eminenti loco ad terram alliditur, manibus, & pedibus, & reliquis membris terram tangit, & puluere aspergitur, aut luto, sordibusque fodatur: sic rerum mundanarum se^ctator, vniuersis viribus anima^s sua, non aliud quam puluorem, & lutum amplectitur. An non huiusmodi homines cogitationes suas terre habent affixas, si quidem de illis scriptu^e est: Oculos suos statuerint declinare in terram? Non casu, aut perfunctorie: sed magno conatu, & tamquam rem serio agendam, mentis oculos, cogitationes scilicet in terram defigunt. Similes illis iniquis iudicibus, qui declinauerunt oculos suos, vt non viderent celum, neque recordarentur iudiciorum iustorum.] An non affectus terrestres habent, quorum Deus enter est (vt ait Paulus) & gloria in confusione ipsorum, qui terrena sapient? Quinam sunt isti (inquit Chrysostomus) nisi qui terrena curant? Aedificemus domos. Vbi in terra, inquit. Possidemus agros, in terra rursum. Acquiramus principatum, iterum in terra. Potiamur gloria, in terra quoque. Ditescamus, omnia in terra. Ilti sunt, quorum Deus venter est: qui enim nihil rerum spiritualium curant, sed hic omnia possident, & terrena ita curant, merito Deum ventrem habent, dicentes: Comedamus, & bibamus: cras enim moriemur.] An non verba istorum terrestria sunt, quorum os malédictione & amaritudine plenum est, & sepulchrū patens est guttur eorum, linguis suis dolose agebat, venenum aspidū sub labiis eorum? Quos si audias ex verbis, non Christi discipulos, sed iracundia seruos, cupiditatis vernas, libidinis amatores iudicabis.

An non tandem opera mundanorum ad terram trinvent, qui (vt ait Bernardus) omnis veris & salutibus studii, caduca potius & tristitia q^uerunt? Hos merito confert cum illis, qui submersi periclitantur in aquis. Nam sicut isti omni conatu tenent, neque vita ratione deserunt, quod primū occurrit manibus, licet tale sit, quod omnino prodesse non possit: ita miseri, insipientesque mundani, caduca, & peritura apprehendunt, magnaque contentione retinent, quibus haud dubie, neque naufragium effugient, neque salvare poterint animas suas.

Hos igitur tam viles, tam despiciens, & in terram, sive in terrenarum rerum desideria projectos, mundus irridet, & illis tamquam aleis, aut tesseris ludit. Iam illos extollit, iam deicit: nunc rebus secundis laetificat, postea successibus aduersis contristat, hodie bonis temporaibus implet, postera die pauperes, & vacuos derelinquit. Et in his omnibus vnu finis est infelices mundanos decipere, & ac si essent trochi puerorum mutabilitatis scutica hue illicque agitare. Hunc mundi ludum, quo mundanis illudit, Iohannes Damascenus his verbis describit: Et est secundū veritatem odibilis iste mundus, & abominabilis: Nam quantacumque donat amicis suis, cum ira deuō dū ipit ea, nudatque omni bono, & confusione indutos, omnibusque granibus prægrauatos æterne transmitit tribulationi. Quos modò exaltat, subito vltima miseria humiliat, subdens eos pedibus omnium inimicorum suorum. Tales ergo gratia ipsius, talia sunt & dona. Inimicus enim est amicorum suorum, & hostis omnium, qui faciunt eius voluntatem. Disceperit crudeliter incumbentes super se, eneruati illos, qui confidunt in eo. Fædus posuit cum insipientibus, & promissiones falsas eis pollicitus est, ad hoc tantum, vt trahat eos ad se. Illis sibi acquiescentibus ingratus ipse, & fallax demonstratur, nihil eorum complendo, que promiserat. Hodie regem aliquem constituit, & cras seruitutis iugo supponit. Hodie multis affluentem bonis,

A cras mendicantem reddit. Hodie coronam gloria eius vertici imponit, sed vultum illius cras in terram deprimit. Hodie exornat collum illius splendidis gemmis, dignitatem torquibus, cras humiliat ferreis vincitu compeditus. Amabilem hunc ad modicum omnibus facit, odibilem vero paulo post facit & abominabilem. Hodie letificat, & cras lamentis eum & fleetibus afficit. Qualem vero, & his finem imponit, audi: Habitatores gehennæ dilectores suos perficit miserrime.]

Ecce, o anima, ludum mundi, quo te tamquam pilulaudebat, & hoc illiisque versabat. Ad hoc proiecta videbaris super faciem terræ in afflictione animæ tuae, in die qua nata es, vt mutabilitati exposita in nulla re conforteris, neque securitatem inuenires. Merito ergo conata es, à puluere terra consurgere, & in locum sublimem, atque in altiore statu properare, in quo facile est ex ipsis, quæ numerauimus, malis euadere, & contraria bona, nō sine gaudio, & tranquillitate possidere. Iam itaque liberata, viris sanctis te non solum vita, sed etiam actione gratiarum adiunge. Qui lati, & alacres canunt, Anima nostra sicut passus erecta est de laquo venantium, laqueus contritus est, & nos liberati sumus, adiutorium nostrum in nomine Domini.] Quemadmodum dum enim auicula, cauea aut laqueo soluta, liberè volat, quouis appetitus animalis impulerit, & in arbore residēs alacriter garrit, quasi aucipi, qui eā tenebat, insultas: ita isti saeculi liberati laqueis, & carcere sollicitudinam iniquum exoluti, in horto sanctæ religionis confidentes, mandum, qui eos vindictos detinet, irrident, affectibus in sublimine volant, & Deum, à quo se sentiunt in spiritu libertatem assertos, ingenti laudatione concelebrant.

Psal. 123.
7.

*Quod magnum bonum sit hæc omnia mala
saeculi effugisse per religiosam vitam.*

C A P V T XI.



I hac ita sunt, sicut re vera sunt, nemo est qui non videat, magnum bonum, & præstantissimum Dei donum esse, ab his nos malis evasisse, & in religiosa vitâ euolasse. Et quidem hoc diuinum beneficiū, non simplex, sed duplex est: Alterum, quod religiosi tantis malis eripimus, neque enim paruum bonum est carere malo, & præfertim tanto malo, quod cumulus omnium malorum esse videtur.) Alterum vero quo contrariis bonis beneficiisque donanur. Duobus namque modis potest quis a naufragio eripi, vel à dura suorum hostium seruitute liberari: primò, si ex mediis fluctib⁹, vel ex cuneis hostium erutus in littore; vel in patria sua liber, sed nudus & pauper relinquatur: Secundū, si hostibus, vel procellis exemptus ad priorem dignitatem, vel maiorem euehatur, & magnis opibus cumuletur. In quo multè præstantius donum est, & sanè ex duobus beneficiis compactum: quorū unum est ex procella, vel ex hostibus liberari, per se satis expetendum, quod aperta experientia demonstrat eorum, qui ex tempestate, non minus nudi, quam alacres evadunt, aut ex ergastulo liberi, sed tamen pauperes aufugiant.

Alterum vero simul cum evasione periculi, opes numquam habitas comparasse, & magnos honores, aut dignitates acquisisse. Ita prorsus nos in religiosa vita duo hæc beneficia recepimus, & quod mala saeculi intolerabilia effugimus, & quod bona ineffabilia, quæ numquam in mentem nostram venerunt,

sumus

Iob. 42.
10.

Greg. 35.
mor. 6.11.

Psal. 141.
6.
Hebr. 13.
14.

1. Petr. 2.
11.

Hebr. 11.
13.

Ber. ferm.
7. quadr.

Psal. 38.
13.

Matt. 23.
9.

Psal. 26.
10.

sumus sine meritis asequuti. Quæ duo in paciente Iob adumbrata videmus. Hic enim non solum ab infanibili morbo conualuit, sed omnia, quæ amiserat, oves, & boues, camelos, & asinos, filios, & filias, duplicita recepit. Quia licet post aduerteratis probatum, nem, septem tantum filios, & tres filias generit, tamen duplices filios recepit, quia quos vita funestos viderat, non perdidit, sed (ut inquit Gregorius) in occulta animarum vita seruauit.] Eodem modo religiosam vitam amplexi, à malis seculi, & mōrbis immedicabilibus conualuumus, & bona, si quæ erāt in mundo, non duplicita, sed centuplicata, suscepimus.

Vt verò hæc duo beneficia præstantissima, minime nostram cognitionem, gratitudinemque prætereant, exactè ea examinemus, sigillatimque expendamus. Ingens bonū est ab aliquo magno malo eripi, quædā maius erit à tantis simul malis educi? Præstantissimum bonum est aliquid maximum beneficium sine ullo merito accipere, quanto præstantius erit tantis, ac tam diuinis beneficiis simul ditaris. Iā nō exprobrat nobis Dominus: Radix tua, & generatio tua de terra Chanaan,] quia per religiosam vitam, nō incoleā terræ sumus, sed cæli habitatores efficiuntur. Portio namque nostra in terra viuentium,] & noster municipatus in cælis est, non habemus hic manentem ciuitatem, sed futuram inquirimus,] cuius si regulam nostram custodiamus, iam ciues decreti sumus. Nec mirū esse debet si ciues patriæ cœlestis habitemus in terra, quia terrā incolimus, non tamquam ciues, sed tamquam aduenae, & peregrini, Nobis enim præcipue loquitur Petrus Apostolus, cùm ait: obfecro vos, tamquam aduenas & peregrinos; abstinere vos à carnalibus desideriis, quæ militant aduersus animam.] Nam si illi patres antiqui vxores ducentes, & huius mundi substantiam possidentes, à longè promissiones sibi factas salutabāt (vt Paulus ait) & fatebantur se hospites esse, & peregrinos super terrā] quāto potiori ratione nos crimus in mūdo peregrini, qui neque uxores ducimus, neq; nostri iuri sumus, neq; domum propriam agnoscimus, neque vilissimū obolū, tamquam propriū, possidemus? P. egerinus (inquit Bernardus) via regia incedit, non declinat ad dexteram, neque ad sinistram: si forē iurgantes viderit, non attendit: si nubentes, aut choros ducētes, aut aliud quodlibet faciētes, nihil minus transfit, quia peregrinus est, nō pertinet ad eū de talibus. Ad patriam suspirat, ad patriam tendit, vestitum, & victum habens: non vult alii onerari.] Quis non videat hæc omnia religiosis conuenire, quia à Domino charitate dilatati, regiam viam mandatorum currunt, secularium iurgia nec respiciunt quidem, ludos & prosperitates non curant. Suum iugiter desent incolatum, dicentes: Quoniam ad uena ego sum apud te, & peregrinus, sicut omnes patres mei:] Qui ita transiunt per terram Chanaā, ad terram promissam, ad patriam viuentium felicitantes, & ibi desiderio, & operum imitatione habitantes, iam desierunt esse incoleā seculi, & facti sunt incole cœli, ciues sanctorum, & domestici Dei.

Iam non dicetur nobis, qui sœculo vale diximus: Pater tuus Amorheus, & mater tua Chetaa.] Quia illud à Domino mandatum acceperimus, & patre nolite vocare vobis super terram, vnu est enim pater vester, qui in cælis est.] Quid mihi cum paucis, qui me ad labores, & lachrymas generuerint, quos in limine iacentes calcaui vt ad crucis vexillum euolarem? Quid mihi & illis, nam postquam illos reliqui, mei oblitos esse cognoui? Pater enim meus, & mater mea dereliquerunt me: Dominus autem assumptus

A me.] Quid tandem mihi & illis, quos obliuisci, & relinqueret iubeor, vt partem, quam optauit, in æternum accipiam? Nam si quis venit ad me (inquit) & non odit patrem suum, & matrem, non potest meus esse discipulus,] Non igitur patres mei rebelles sunt, & insani, sed pater meus es tu, quem sequor, quem amo, cui placere, & similis esse cupio, Deus meus, & susceptor salutis meæ.

Lxx. 14.

Psal. 88.
27.

Neque etiam illud probro dabitur nobis: Et quādo nata es in die ortus tui nō est præcisus umbilicus tuus.] Quia pia nutrix nostra sancta religio, per votum castitatis, libidinem, & incontinentiam resecurit, & per votum pauperratis, & obedientiæ, propriam voluntatem, & reliquarum passionum intemperantiam amputauit. Vnde audire, quam bene in die ortus nostri, quo Deo nati sumus, umbilicus inordinatarum passionum nobis præcisus sit: Audi ex ore Hugonis Victorini quid sit religiosa disciplina, quam in ipso ingredi religionis funus amplexi, & apertè videbis eam viuierlos affectus amputare, & rerum terrenarum concupiscentias cohibere. Disciplina (inquit) est compes cupiditatis, malorum desideriorum carcer, frænum lascivie, elationis iugum, vinculum iracundiae, quæ domat intemperantiam, leuitatem ligat, & omnes inordinatos motus mentis, atque illicitos appetitus suffocat.]

Si hæc tam inimica vitiiorum nos Domino nascientes suscepit, quis dubitet, neque fuisse negligenter, neque oblitiosam in comprimendis vanis desideriis, ac effrenatis cupiditatibus amputadis? Est nē in religiosa vita, qui umbilicum cupiditatū præscindat, & omnia noxia, & superflua relectet. Hoc enim primò facit Dominus per seipsum, sermone suo interius docente, ineptas concupiscentias amputas. Quia cū iā fecerimus fructum, mundana contemndo, & vitam puram, & illibatam lectando, & quum erat, vt ipse nos purgaret, & affectus inordinatos cohiberet, cū scriptum sit: Et omnem palmitatem, qui fert fructum, purgabit eum, vt fructus plus afferat.] Deinde nos purgat per leges & regulas scriptas. Neq; enim solū laude sua (vt legitim in Isaia) infrænauit nos, sed etiam regule, ac legis gladio munivit. Vt extranei nos considerantes, & admirantes, dicant, Quia exaltationes Dei in gutture eorum, & gladij anticipes in manibus eorum.] Frænum est diuina laus, cui iugiter inhæremus, quia tenet nos, ne in verba inania, & opera infructuosa feramur præcipientes, & gladius est regula, qua circumcidit non carnem, sed cor, vt in populo Domini numeretur: Vigit enim adhuc lex Domini, non corpori adaptata, sed cordi. Quia masculus, cuius cor circumcidū non fuerit, delebitur anima illa de populo suo.] Tandem hanc spiritualem amputationem facit Dominus per correctionem prelatorum, qui nihil dissimulat, neque impunito relinquit: per exempla fratrum, qui sibi ipsi acriter imperantes, opere docent nos similia præstare, & per ipsam nostri status natura, cū nihil aliud sit, quām veteris hominis; & omniū operū ciui spoliatio, affectuūque nostorum abiectio.

An dicetur iam anima cuiuscumque nostrum: Et aqua non es iota in salutem?] Minime, si moribus, vitam, quam profitemur, seruamus. Quæ vita est penitentia, non vnu, vel duobus diebus, sed omnibus diebus, & noctibus peccata vite secularis defles, & maculas inter mundanos contractas abundantissima lachrymarum profusione detergens. Quare enim nō dicam de qualibet religiosa domo bene instituta ac gubernata, quod Ioannes Climacus de monasterio penitentium, aut religione fugientium, dixit. Vidi rē vera (si dicere id audeam) quæ negligentis oculus

Hugo de
inflit. mo-
nition. c.
10.Ioh. 15.
2.

I/4.48.9.

Psal. 149.
6.Gene. 17.
14.Clima-
gra-
du 5. de
accusatia
penit.

non videt, aurisque desidiosi non audiuit, & in corpore hominis non ascenderunt, res & verba, quae Deo vobis inferre possent, habitus & studia, quae ipsius studia celerrime flecterent.] Non sine magna nostra confusione apicimus, quodam gravia peccata sceluli, quotidie magnis fletibus, & cordis compunctione lugentes, alios, qui ab ipsa pueritia se Deo dederunt, leuissimas maculas ex humana conuersatione contrahentes, amarissimis lachrymis deflentes; alios pro desiderio maioris puritatis suspirantes, & pro eius obtentu enixa diuinum adiutorium invocantes, alios vixque ad multam noctem stare pernigiles, si forte valent noua dona, & charismata de manu celestis regis impetrare, alios flagris, cilicis, ieuiis, & pectoris tensionibus seipso affligentes, alios publice, & coram ceteris fratribus suos defectus sponte propalantes, alios ita suos sensus & affectus comprimentes, ut non carnem gestare, sed iam eam exuise videantur; alios ita studium virtutum vniuersarum sectantes, & diuina familiaritatibus inhaerentes, ut potius ciues coeli, quam terra habitatores appareant.

Hac omnia, & alia, quae sciens, vidensque prætereo, amplectuntur perfectionis studia, ut seipso mundent, & lauent, & pulchritudinem in dies maiorem acquirant. Quis dubitet istos in salutem lauari, quibus tanta est munditia cura, tanta puritatis, & innocentia custodia? Quis ambiget ad salutem mundari, quibus promittit Dominus per Iosephum. Et mundabo sanguinem eorum, quem non mundaueram, & Dominus commorabitur in Sion.] Si deus iustificat, quis est qui condemnaret?

An tandem diceretur per probrum anima religiosa. Et sale non es salita, neque involuta pannis?] Nequaquam: Quia tanto sale sapientia celestis abundat, ut sit salinis, id est, sanctorum patrum libris circumdata, ex quibus colligit, quo seipsum saliat, & alios etiam verbo, & doctrina condit. In ipsa corporis refectione, in qua seculares solent gula, & ebrietate, ac verbis saltet otiosas suas animas putrefacie, anima religiosa isto diuino sale, quo se preserueret, non caret; quia ibi frater resonat alicuius sancti patris volumen legens, cuius, sicut corpus cibis, ita mens doctrina reficitur. Magnum certe bonum, quod recumbentibus, & conuscentibus discipulis apparuit. Ita & vos, & eos incredulitatem increpuit, & retinum faciendarum admonuit. Sed huius magni boni quotidie anima religiosa in corporis refectione perficitur, dum Christum per os Gregorij, Bernardi, aut Basili, aut aliecius sancti patris, loquentem audit, docentemque, quid factum opus sit, & negligentiam, ad secundam animam increpantem, quo inter ipsas epulas in dulces lachrymas interdum fletusque resoluitur. Sale profecto salita est, quae ibi sapientiam addiscit, ubi alii sapientiam perdunt, imo & vobis propriæ mentis amittunt.

Sed quid de huius animæ vestibus dicam? Quia quando verius exteriorem corporis cultum contemnit, tantum pulchritus interioribus indumentis ornatur. Virtutum sane decorum procedit induita, nimirum castitate, humilitate, manufactudine, obedientia, patientia, charitate. Hec enim sunt indumenta (ut inquit Hugo) quibus anima potest coelesti Imperatori placere. Non enim exteriorem, sed interiorum pulchritudinem requirit sponitus, sicut scriptum est: Omnis gloria eius filii regis ab intus.] Quia & pretiosiora sunt, quod ab anima, non sine afflato diuino proprio labore, atque industria comparantur. Nam si, ut refert Beatus Hieronymus, apud Gregorios Philosophos ille laudatur, qui omne, quo viteratur, vixque ad pallium, & annulum, manu sua factum

Ioh. 3, 21.

Rom. 8, 34.

Mar. 7, 14.

Hugo in reg. c. 6.

Psal. 44, 14. Hier. in Epistola Nepotis, c. 8.

A gloriatus est, quid ni anima in Domino glorietur, quæ vestes illas virtutum adeo pretiosas, & pulchras propriis actionibus fecit, Dei gratia, & fauore munita, & magna vigilancia, ac labore quæsuita. Non deest profecto qui faciat illi vnum ex his misseris eius, quia Deus ipse, & religiosus status, & omnes tum maiores, tum æquales, tum minores, inter quos vivit, tum ipsa, viribus diuinis adiuta se purgat, illustrat, & velit.

Non est proiecta super faciem terræ in die, quanata est: quia eo ipso, quod mundo moritur, & Domino in religionē nascitur, vniuersi eam honorant, & magna reverentia, & veneratione suspiciunt. Quis enim non eos prosequatur honore, a quibus non modicum percipit utilitatem? Huiusmodi autem viles populis, sancti, & iusti sunt, quales omnes religiosi, a rebus mundanis remoti, & Deo consecrati esse deberent. Quare nemo erit sanæ mentis, qui eos non veneretur, atque suspiciat. Plurimum refert (inquit Ambrosius) & moralem ædificat affectum, si etiam numerum iustorum simpliciter accipiamus prodest populorum saluti. Comprimit, & resecat inuidiam, confundit improbitatem, virtutem incitat, auget gratiam. Nemo enim inuidere debet alteri laudem, quae sibi prosit, atque improbus quisque redemptorem suum, dum suscipit, frequenter imitatur. Certè veneratur, plerumque etiam diligit.] Et rursus alio loco idem Beatusinus doctor ait: Civitates Leuitarū redemptrices significavit Moyse: quia is, qui confugit ad eam animam, in qua habitas Dei verbum, que vobis modo munita, atque vallata sit, perpetuam libertatem acquirit sibi. Sic ut enim in civitatibus Leitarū, erat paenarum remissio, ut si quis ad eas confugeret, qui non voluntaria necem hominis admiserat, nulli eum occidere licet intra vobis duntaxat positum Leitarum, ita quem peccati proprii penitet, quod aut imprudenter, aut iniurias admisit, si Leitarum adhæreat incolatui, & ab his praceptoribus, qui Dei mandata dispensant, recedendum non potest, lex ipsa ab omnium commissi flagitiū penā, supplicioque liberat.] Qui tam viles & fructuosi sunt populis, non proiiciunt super faciem terræ tamquam viles & abieceti, sed ad omnibus summis laudibus extollentur.

D Magnum ergo Dei beneficium est à tantis misericordiis, tanta ignominia, ac paupertate, tantis periculis calamitosi facili eripi, & in statum tam prestantissimum, omnibusque opibus spiritualibus refertum adduci. Quare, o vos, qui ad vitam religiosam vocamini, & à Domino vestras animas diligente, ad religiosorum cœtus intrandum invitamini, ponite excusationes, rumpite motas, & hodie si vocem eius audieritis, nolite obturare corda vestra. Fugite huius vastissimi maris pericula, à saeva vitiorum tempestate, & occasionum procellis vos removete, & prora nauigij ad littora viuentium retorta in portum religionis appellite. Ego, vt verba Hieronymi visuram, non integra rate, vel mercibus, nec quasi ignarus fluctum præmoneo, sed quasi nuper naufragio electus in littore, doctus nauta timida navigationis voce denuncio. In illo astu Charibidis luxuriae salutem vorat. Ibi ore virgineo ad pudicitia perpetranda naufragia Scylla, ceu renidens libido blanditur. Hic barbarum littus, hic Diabolus pirata cum sociis portat vincula capiendis. Nolite eredere, nolite esse secuti. Licet in modum stagni fusum æquor arideat, licet vix summa facientis elementi spiritu terra crispenatur, magnos hic campus montes habet, intus inclusum est periculum, intus est hostis, expedite ruentes, vela suspen-

Amb. lib.
de Cain
& Abel
c. 3.

Ibid. c. 4.

Psa. 94, 8.

Hier. Ep.
1. ad He-
lior. 5.
tom. 1.

dite,

dite, crux antennae figatu in frontibus, tranquillitas ista tempestas est.]

Magna igitur sapientia est Domino vocanti non relucari, & in tanto discriminis constitutis, opem ferenti summo mentis ardore cohsentire.

Tu vero, qui iam vocatus a Domino, mundum effugisti, & in fidem patrem, peritos parentes, affectuum intemperantiam, cordis inanitudinem, ignorantiam mentis, turpem nuditatem, bonorum pauperatum, vitorum ignominiam, atque omnia Babylonie pericula deseruisti, totis visceribus, ac omnibus mētis tuo liberatori Deo gratias referre procura, canta carmen Isaiae in honorem illius. Domine Deus meus es tu, exaltabo te, & confitebor nomini tuo, quoniam fecisti mirabilia, cogitationes antiquas fideles, amen. Quia posuisti ciuitatem in tumulum, (illam, quam ego meis praais operibus edificabam) vibem fortem in ruinam, domum alienorum, ut non sit ciuitas, & in sempiternum non adficietur. O rem mirabilem a te, Domine, ex eternitate in bonum nostrum cogitatam, & præordinatam! Propter quod laudabit te populus fortis, ille qui spretus mundi illecebris, se tibi Deo benignissimo conferauit, & ciuitas gentium robustarum, quæ virtus vniuersitatis bellum indicit, timebit te. Quod si iam habitu, & professione seculi virtus, & peccata effugisti, fuge etiam & mente. Nam (vt inquit Ambrosius) Gloriosa haec fuga est, fuge a facie peccati. Sic fugit Iacob, Mater sua dicens. Dicit enim Rebecca: Exurgens fuge in Haram. Sic fugit Moyses a facie Regis Pharaonis, ne eum aula regia coquinaret, ne irretiret potentia. Denique pretiosius Ægypti diuitiis aestimauit opprobrium Christi. Sic fugit etiam David a facie Regis Saul, & a facie Absalon: Denique fugiens augebat incrementa pietatis, qui & infidiliatori percit, & parcidet salutem rogavit. Sic fugit et po-

I. Isa. 25.

Amb. lib.
de fuga
faculi, c.
4.
Gen. 27.
43.
Exod. 2.
15.
1. Reg. 20.
1.
1. Reg. 15.

A pulus Hebræorum, ut fides eius, & vita inter fluctus sibi aperiret viam. Fuga illa erat tristes innocentia, virtutis via, pietatis assumptio. Autem dicere, sic fugit & Ionas in Tharsis, non corporis fuga, sed mentis ascensione, qui usque ad Christi ascendit similitudinem, ut fieret typus Christi. Dicit enim: sicut fuit Ionas in ventre ceti tribus diebus, & tribus noctibus, sic erit & Filius hominis in corde terra tribus diebus & tribus noctibus. Nam si non fugisset, numquam de ventre ceti esset auditus.

Ne putes te adhuc in tuto positum, si quod statu deseruisti, animo & vita non desereras. Nam haec statu solū, & non operatione reliqua, magis quam in seculo onerant, & vehementius nos in terram depriment. In mundo enim cum possessione terum terrenarum, licet difficulter, tamen saluari possumus, si amori mensuram diuinæ legis ponamus, & modum in mandatis prescriptum non transgrediamur. At in religione, si ab gehenna liberari cupimus, omne dominium, rerumque possessio, omnis carnis illecebria, omnis propria voluntas abiicienda est. Si ergo saluari contendimus, (vt ait Bernardus) a præseuti seculo nequaquam, quid adhuc de hoe mundo decernimus? Si exire volumus, quid compedes nostros nobiscum trahere laboramus? Ponamus auros esse, sed multò melius est sine his liberari, quam eorum occasione teneri. Non etiam emus præmium; sed impedimentum consideremus, ne prater ipsam, quæ dura fatis reputanda est, conditionis necessitatem, etiam cupiditatis visco inhætere hic incipimus, & inanis sollicitudinis nexibus irretiri. Ad hanc itaque animo abiicienda tantum beneficium diuinæ vocationis, nos moueat, & periculum imminentis, tum inquietudinis, tum amittendæ salutis instiget. Et his malis mundi consideratis, iam bona religiose vita, quæ tantum tetigimus, paulo latius audiamus.

Exod. 13.
8.

Iona 1. 3.

Matt. 1. 2.
40.

Bern. ser.
de eo quod
scriptum
est, beatus
homo, qui
audet fa-
cieniam,
&c.



PARS SECUNDA

De bonis vita Religiosæ.

BON A religiose vita, qui vellet omnia conscribere, id ipsum profecto aggrederetur quod qui intenderet calstellas numerare. Religiosa enim vita celum est, aut immo quoddam cali sanctissima, quam sicut stelle Firmamentum, ita variæ ac immu- mera bona condecorant. Ingressus ipse plurimis bonis plenus est, quæ Deus ad vi- etoriam facili, & comitum eius Diaboli, & carnis, & ad noui hoffpiris in suam do- mum grattere admissi consolationem impertit. Progressus innumerabilibus donis, & occasionibus proficiendi resertus, quibus homo ad vitam puritatem eubitur. Egressus mirabiliter tranquillitate mentis, & abundantissimis ad beatitudinem acquirendam auxiliis cumulatus. Atque adeo, qui niteretur hæc omnia minutatim edicere, prius vitam, et si longam acciperet, & omni alia occupa- tione vacuam, quam scribendi materiam definiret. Quamobrem, ne quod breui narratione dici non potest, dicere presumamus, sola ea vita nostra bona, quæ Sanetus Prophetæ Ezechiel tangit, explicemus. Ille autem sic habet, transiens autem per te, vidi te conculcari in sanguine tuo. Et dixi tibi cum esses in sanguine tuo: Vnde. Dixi, inquam, tibi: In sanguine tuo vnde. Multiplicata quæ germen agri dedi te, & multiplicata es, & grandis effecta, & ingressa es, & peruenisti ad mundum muliebrem: vbera tua intumuerunt, & pilus tuus germinavit: & eras nuda, & con- fusione plena. Et transi per te, & vidi te: & ecce tempus tuum, tempus amantium: & expan- di amictum meum super te, & operui ignominiam tuam.